

東平州志卷之二

東平州知州三韓

張聰重編

儒學署學正舉人古棠蕭鵬程校閱

原任登州府教授郡人單民功纂輯

建置

叙曰夫畫百里而樹之社必設險以域民故志城池張官置牧政令必有所布故志公署至于學校爲人才所出廟祀壇壝爲鬼神所棲市鎮橋井爲居民所便以及琳宮梵宇皆士民之遊觀而不可缺者也故考古証今言其創于何時修于何日使觀風者得其

東平州志

卷之二 建置

一

由來馬作建置志

城池

古稱磐石之宗非盡天險也而制治於未亂保邦於未危有脩無患重門以待暴客乎則雉堞之儼若碧水之環流金湯之固神人實式憑焉安得謂人和足恃而地利可勿講耶作城池志

故鄆州城在州西五十里卽隋所置須昌縣也唐徙鄆州治此後唐因諱改爲須城宋初仍爲鄆州真宗咸平三年河決鄆州東南注鉅野入淮西城中積水廬舍三月十一日翰林待詔朱慶奉宣詔旨州守

奉旨移建州城於汶陽之高原築土爲之周圍二十四里高二丈濶八尺南北各一門東西各二門西之南門閉塞不行城東南西北各一缺刺史姚鉉有移遷鄆州謝表載在藝文翰林學士梁周翰新移鄆州碑銘序畧曰粵自黃河爲暴非一日積東平最被其害皇帝軫念居人乃詔宮臺之近侍泊邦計之僚屬馳傳諭其宸衷度地更其故壘二臣恭命如帝之規由是計周圍之丈尺度版築之高下籍丁夫之衆寡約工程之疾徐畫圖上聞詔如奏肇自三年八月迄某年月日畢工人不告勞市不改肆皇帝乃詔

東平州志

卷之二

城池

一一

學士院立石爲文昭示永代臣謹作銘曰先生域民惟城是營俾違其害亦厚厥生惟聖三葉河決東平驚波羨溢高涯頽傾黃河爲灾自古不息兩漢迄今溢害中國地爲溝隍民廢耕植罹患最深莫鄆之極惟皇興念嗟彼黔黎俾更厥處脫茲墊危廬井聿完墻屋匪異雖以改邑曾無易肆群生受賜喜氣雲翔恭 帝眷綿于無疆咸平四年辛丑五月十三日建興定之季燬於兵火明初門宇倒壞洪武設東平所守禦自北門以東至大東門城角屬軍餘供屬民協

洪熙間知州李公湘因舊趾重加修

知州李公昇見 隍

多隙地

令深遍植以柳引蘆泉水溉之 城二十餘里蓮
魚韜徧滿其中所入供四時報 充賓旅館

力爲之一 萬曆五年知州丘公如嵩見城垣塌
銳意整理其甃灰則取給官窰其人役則簡庶人之
在官者互相易代越數旬而規制一新有郡人侯寧
誤記載藝文中崇禎五年囚盜變水災城堞凋敗分
守東兗道陸公慨任其事多方設處偕知州常公維
翰同知王金鉉等晝夜動勞躬行督理費貲近萬城
隄一時俱修州人建立祠堂祀之郡人宋祖舜碑記

東平州志

卷之一 城池

三

載藝文中崇禎十三年復有盜警知州王公奠民率
闔州紳衿分其丈尺重加修築獨郡人經歷楊膏光
楊膏照獨住一面自大東門至東北城角約數十丈
堞口堅厚城下護堤二層後土寇竊發獨此處不攻
城賴以守其護城堤則建城時所築外有沙河圍遶
自陸公修後數十年來汶水泛漲東南夾堤而下歲
衝灘昔猶缺殘今已與河俱深矣洪流浩蕩城門
傾圮載胥及溺之患蒿目者不無隱憂云

公署

君子向明而治堂下之是非待辨焉則上棟下宇洞

開門所以尊瞻視肅體統也且錢穀之重寄鎖鑰攸開皇華之旬宣揭來旁午何至使贊政或寄于市廛而憲節每難于並駐乎經舊制而維新之遺圖俱在庶幾可按迹而求也作公署志

撫按察院行臺在州治南迤西嘉靖四年知州李昇創建有大門有儀門有堂有後堂有吏舍厨次今存後察院在州治東按察分司在後察院西布政分司在後察院東制如察院行臺俱知州李湘建今俱廢分守道行署在州治前路東知州梁珍改建制如察院今廢

東平州志

卷之二

城池

四

皇華外館在南郊八蜡廟東知州丘如嵩建郡人田大有作碑記今廢

州治在州城中央宋咸平中建元大德間知州王仁重建明知州李湘傅霖相繼重修正堂五楹前有枹廳崇禎五年盜劫焚燬十年知州王奠民重建基址仍舊規模軒豁庫房郎堂之左帑藏郎堂之右穴地爲室封之以石穿堂二層退堂二層俱三楹內宅玉進在退堂後另有宅門封鎖甲首四名宿守儀門三楹知州周耀冕建戒石亭在儀門甬道中正書 俸爾 民膏民脂 民易虐上天難欺碑陰 書爲善

最 四字知州趙之璧移置甬道左六房東爲吏
禮三房 發舖長二司糧科西爲兵刑工三房軍馬
二科俱爲盜燬尚未復舊

同知宅在東角門外州堂東北有堂有夫門儀門廂
房內室書房廚房今俱拆毀無存

判官宅舊有三其一爲管河宅其一爲管糧宅在同
知宅南其一爲管馬宅在州堂西制皆如同知宅後
糧馬宅廢止存河廳今俱拆毀無存

吏目宅在州堂西管馬宅南制亦如之差小

寅賓館在儀門西土地祠在儀門東監獄在儀門東

東平州志

卷之二

城池

五

南邊樵樓在儀門正南郎州治大門榜棚在樵樓東

西二所旌善亭在州治前申明亭在州治前今俱廢

管河判官分署在安山閘北金線閘口巡檢司

今廢

東原馬驛在州治南永樂間建今廢門基尚存

安山水驛在州西十二里安山鎮永樂間建萬曆四

年知州丘如嵩改創郡人唐交作碑記

金線閘遞運所今圯壞常豐倉今廢預備倉今廢兌

軍水次倉在州西安山鎮西今改移于張官屯

安山閘官署與閘同建靳家口閘官署與閘同建戴

家廟閘官署與閘同建

今俱圯壞

守禦千戶所在州治東南洪武二十一年建有正廳
五楹軍器庫 楹吏房三楹俱正德十二年千戶孫
美重建今俱廢壞

僧正司在州治東報恩寺

學校

聖天子崇儒右文建學弘化彬彬乎盛且美矣思樂之
頌再賡類水則脩明經術應運而起者何非至聖之
遺澤與乃歲久傾圮棟宇摧殘先賢之俎豆或陳於
草莽今斯文光昭之世豈宜有此乎潤色太平當必
有爲之鼎新者則創造之規模經制之源委何可不

東平州志

卷之二

城池

六

詳列以俟也作學校志

學署在州治東北宋景祐間王文正公曾判鄆州始
建學於州治西南金末行臺嚴實改建今地元 元
間知州劉脩德重建元末燬於兵火洪熙元年 州
李湘正統以後知州傅霖蕭仲祿陳經相繼補脩始
復其舊學正丁友禎等記刻於石

先師廟見祠宇

明倫堂五楹弘治間知州蕭仲祿建

今

興詩齋三楹在明倫堂左

立禮齋三楹在明倫堂右

成樂齋三楹在興詩齋

致齋所三楹任立禮齋南今俱廢

穿堂三楹在明倫堂後舊與堂同建後拆毀移建分

司嘉靖十六年重建

今廢

辨志堂三楹在穿堂後正統間知州傅霖建

今廢

御製敬一碑亭在辨志堂後即綸章閣舊趾嘉靖間

建

今廢

號房東曰元亨利貞西曰仁義禮智凡四十八楹爲

內號學之南凡四十三楹爲外號

今廢

東馬道門扁曰義路

東平州志

卷之二

城池

七

西馬道門扁曰禮門

儀門扁曰中道而立

堂東門扁曰見賔

堂西門扁曰由道皆知州梁珍書

今廢

射圃亭在學之西凡三楹前有厦舊在學前知州

松改建今地重修射器仍爲之記刻於石

今廢

學倉在東馬道北以上俱圯壞無存

學正宅在東馬道北有堂有室有廂房有書房有厨

次有大門有儀門俱學正蕭 修訓導宅三任學

正宅南制如學正宅而規模差小今俱拆毀

土山在儀門前後改爲杏壇今仍舊有碑記
御筆手詔碑有亭在杏壇前按宋史蔡京傳云宋制
凡詔令議自中書門下方命學士爲之熙寧中有內
降手詔不由中書共議盖蔡京患言者議已故作御
筆密進而乞徽宗親書以降謂之御筆手詔違者以
違制坐之即有不類帝書者群下莫敢言矣又徽宗
崇寧五年二月丁丑詔前後所降御筆手詔模印成
冊頒之中外州縣不遵奉者監司按劾監司推行不
盡者諸司互察之盖皆蔡京所爲也

宋鄆州新學記在先師廟前仁宗景祐五年建文皆

東平州志

卷之二

城池

八

剥落不可讀

鄆州學田記在廟門東哲宗元祐五年建須句尹遷
作記畧曰鄆有學其盛始沂國王文正公其時天下
郡國序庠未設鄆雖有之而小陋公以故相爲吾州
則大作學買田聚書所成就士爲多州人敬祀之至
今其後舍之不治久矣自澶淵井公季能之爲轉運
使於東郡也既作新學其明年改元元祐詔以龍圖
閣學士光祿大夫吳郡滕公爲鄆州公熙寧初嘗以
翰林學士來爲吾州去且十年上知東人之思公也
復以爲鄆公下車即入學延見諸生問政所設施諸

生爭言新學成顧苦田太磽瘠食不能充游學之士
或自罷志公即爲奏請得田二千五百畝有奇與民
耕之歲輸錢百萬是爲新田公大功傑美數十皆可
頌歌然遷方記新田特畧而不書公諱元發字達道
蔡京書州學碑在廟門西哲宗元符二年建今年久
難考
元豐大觀詔書碑在先師廟前

元東平廟學綸章閣記在敬一碑亭前大德三年建
皇帝加封大成至聖文宣王詔碑在杏壇前大德十
二年建蓋聞先孔子而聖者非孔子無以明後孔子
而聖者非孔子無以法所謂祖述堯舜憲章文武儀

東平州志

卷之二

城池

九

範百王師表萬世者也朕纘承丕緒敬仰休風循治
古之良規舉追封之盛典加號大成至聖文宣王遣
使闕里祀以太牢於戲父子之親君臣之義永惟聖
教之尊天地之大日月之明奚罄名言之妙尚資神
化祚我皇元王者施行

加封啓聖王并六公詔碑在杏壇前至順二年建

齊國公叔梁紇加封啓聖王 魯國太夫人顏氏加

封啓聖王太夫人

顏子封兗國復聖公

曾子封邾國宗聖公

子思封沂國述聖公

孟子封鄒國亞聖公

河南伯程灝加封豫國公

伊陽伯程頤加封洛國公

各詔語
多不載

東平路學田記碑在廟門東至元二年建張翰記

今年

久難考

田大有作新置學田碑記學田者何郡侯中山丘公之所置也先是嘉靖末年郡倅長樂陳君文信設置學田百三十畝緣更代不常漸被二三險細侵漁中山公來守東平審實復以其地歸之於學並月俸所

東平州志

卷之二

城池

十

易共計地四百三十畝有奇統作學田為貧生膳養之資既請諸上官報可矣猶慮歷歲綿遠不無前項侵漁之患請予作記碑諸學宮俾來者有所核焉蓋嘗觀之易曰天地養萬物聖人養賢以及萬民士不可無養也明矣三五盛時井田學校其法並舉士皆有養得以專力於學阡陌既開井田漸廢於是有士無恒產如孟軻氏所云者唐宋以來學校率有贍田無田者良有司給之自吾州而論有若王沂公曾滕公元發暨嚴武惠公實輩所置雖多寡不一其優恤士人之意靡不同焉明太祖高皇帝統一寰夏著令

歲給學官弟子廩餼府千石州縣 減厥後定制府
四十人州三十人縣二十人照例 給額外咸未獲
預繇是孤貧之士靡所控告而推廣德意不能無賴
於守令之賢矣中山公志存體國才優治劇利舉廢
興義正仁綏臺章薦剡接踵至矣迺復留神道化軫
念貧生至捐俸金廣置新田嗣是諸生得以肆力進
取無復內顧之憂者非公之賜而誰雖然宋儒呂祖
謙有言學校之設非專爲士貧而養之也道德性命
之理治亂興衰之故賴以講明爲他日建樹之本也
由是而談公之眷注諸生者所屬望夫豈淺哉公諱

東平州志

卷之二

唐祠

十一

如嵩別號中山家世廣平之清河嘉靖戊午順天鄉
試中式筮仕城武有惠政迄今氓士有去後之思云
新田寓郡西南頃畝段至刻諸碑陰今已查出二百
畝有奇餘爲附近居民侵種正在議查

廟祠

兩儀旣判六宗禋祀咸秋無文丕著盛典或澤被乎
萬世或德施乎千秋禦災捍患廟食無疆禴祠蒸嘗
匪以邀神貺聊以報德澤云爾作廟宇志

先師廟在明倫堂前金未行臺嚴實創建至正間知
州劉脩德爲之塑賢像新樂器元末燬於兵明初止

存儀門覆以茅茨洪熙間知州李湘始易以瓦仍爲大成殿成化間知州楊建櫺星門郭玉建兩廡云知州李湘重修廟學記畧曰聖朝統一寰宇崇儒右文內而京畿外而郡邑至於遐陬裔壤之邦莫不立廟學以隆化基東平州學宋景祐問沂國王公判鄆始建學於城西南元皇慶中嚴忠濟爲路總管以舊學湫隘弗稱廼卜州治東北更造而新之厥後廟廡毀壞惟大成門獨存明朝因之歷歲滋久傾頽益甚永樂癸酉知州九江楊侯嘗一脩葺洪熙元年秋知州李侯大脩廟學旣成學正黃岡趙玉訓導青田厲

東平州志

卷之二

唐祠

十一

昭介湖廣憲僉任城高公英徵記以示來者且曰李侯下車之初首謁學宮時欲一新之以民困於力役於是中止越明年政脩人和歲且有年遂謀諸寮案乃裒俸餘而士民之相助踵至內嚴棲神之宮外樹設戟之門明倫有堂東西有齋禮器有所饕炊有庖師生有舍以至文昌之祠輪奐一新是役也侯於臨政之暇躬督工役不憚勞艱同知孫公賢判官都公禮吏目強公信咸相厥事經始於乙巳秋訖工於是歲之冬宜紀之貞砥昭示於來者侯名湘字永懷世爲泰和右族造士入成均授前職以舊官代去民復

借寇云黃謙撰後歲久傾圮郡人郭士奇捐銀數百
獨力重修康熙十年禮生楊文斗粧修聖像龕座學
道給扁優獎

兩廡在先師廟前今俱毀壞無存

啓聖祠在先師廟東北舊爲梓潼帝君廟後又爲鄉
賢祠今改爲啓聖祠知州胡松建祀啓聖公孔氏配
以顏路曾點孔鯉孟孫程 朱松 蔡元定七氏祭
期同先師祭品同十哲康熙十一年楊文斗重修
名宦祠在先師廟西北知州胡松建今圯廢祀名宦
漢東平王相王尊唐鄆曹濮節度觀察使馬聰天平

東平州志

卷之二 唐祠

十二

軍節度使令狐楚宋知鄆州宋庠王堯臣韓琦富弼
吳奎龐籍劉夔滕甫劉敞通判鄆州寇準司馬光京
東轉運副使陳知微金知東平府事完顏弼元東平
路行軍萬戶嚴實東平宣撫使姚樞明東平知州曹
休仁貢安國祭期同先師祭品羊一豕一籩豆各十
鄉賢祠在名宦祠後知州胡松建祀鄉賢漢昌邑王
師王式魏處士劉禎晉奉高縣侯馬隆處士劉兆唐
太子賓客呂元膺宋翰林學士梁灝中書侍郎傅堯
俞潁州文學叅軍穆脩殿中侍御史郭權尚書右丞
忠肅公梁燾同知諫院龔鼎臣戶部侍郎李迨監察

察御史馬伸金禮部郎中趙灃兵部尚書文簡公高
霖元孝子王閏處士王旭翰林學士王磐王構吏部
尚書李泉布衣趙天麟明福建左布政使張琰贈
兵部尚書前侍郎劉公源清戶部郎中劉爾牧蕭縣
訓導徐文京寧津知縣解如桐兵部侍郎兼都察院
副都御史巡撫天津杜三策山西兵備副使李文芝
漢穀城長蕩陰令張遷祠遷字公方陳留人少爲郡
吏徵拜穀城長尋遷蕩陰令吏民隨送如雲於是刻
石立表于東平國穀城蕩陰之交其詞畧云公存恤
高年路無拾遺黃巾初起斯縣獨全尚書五教君崇

東平州志

卷之二

廟祠

十四

其寬詩云愷悌君隆其恩東里潤色君垂其仁召伯
留陝君懿于棠晉陽佩韋西門帶弦君之体素能雙
其勛祠原在州治西靈帝中平年建今廢碑記見在
儒學明倫堂前

宋王沂公祠舊在先師廟側公判鄆州開寶元年冬
大星墜其寢遂薨于鄆鄆人思慕建祠祀之今廢
劉敞作記畧曰丞相沂公之初守清也爲齊人建學
其後守鄆也爲魯人建學由是二國之俗始益知
貴詩書之業而安其性之所樂老師宿儒幼子童孫
粲然自以復見三代之美禮讓日興刑罰日衰嗚呼

君子之盛德大業如是哉沂公薨於鄆且二十年鄆人愛慕而悲思之僉曰不可使文正之德不享於世前太守錢公於飛聞之因即學宮而建祠宇以稱士大夫之意錢公去位之五年堂乃成叙其語以詔後世元嚴魯公祠在州治東北隅元初建今廢元元好問作記畧曰公資稟沉毅以仁民愛物爲懷元兵破相下之又破水寨怒其反覆欲盡坑之公百方營救得請而後已兵出荆襄自邳徐赴謂所親言河南受兵殺戮必多當用金幣贖之靈壁降人假息待命公饋主兵者下逮卒伍亦霑膏潤一縣老幼皆被更生

東平州志

卷之二

唐祠

十五

之賜且縱遣之前後所活無慮數十萬人生口北渡無從得食糜粥所救者尙不論也盡境之役瘡病之人新去湯火獨特公爲司命公爲之闢田野完保聚所至延見父老訓飭子弟教以農理官任善良汰阻貪墨貸逋賦以寬流亡假間田以業单貧節浮費以豐委積抑遊末以厚風俗至於排難解紛周急給困救卹孤老以助葬祭故薨謝之日境內之人號泣相吊自謂一日不可復活壬寅孟冬公之嗣子忠濟走書幣於好問言先公功著興王之功名出勲臣之右虎符龍節統魏齊魯五十四城者踰二十年忠濟

世爵作爲新廟以致禴祀蒸嘗之敬宜有文
昭示永久好問因乃勉為之記

龍王廟在州東一里隄上仲春二日舉祭如制

勅封太河神廟在州西六十里壽張縣境運河北岸
有堂有儀門有坊牌有宰牲房有致齋所春秋二仲
州脩祭禮管河工部主之

城隍廟在州治東舊在州治西北隅洪武九年改建
今地永樂元年知州劉箴重建有堂有儀門有大門
有坊牌有十陰司春秋祭祀朔望叅謁如制
土地祠在州儀門東朔望叅謁加制

東平州志

卷之二

廟祠

十六

馬神祠在州治東城隍廟西春秋二祭如制

八蜡廟在州南一里仲秋一祭如制

旗纛廟在所治東北春秋守禦官致祭如制

壇壝

黃輿既奠粒我蒸民土穀之報克配彼天矣至川流
嶽峙以興雲雨風霆震厲澤潤無方博碩告虔非司
民社者之職與則春祈秋報以介景福者有其舉之
自莫或廢也作壇壝志

社稷壇在州西門外除地爲壇每歲仲春仲秋上戊
之日舉祭如制

風雲雷雨壇在州南門外除地爲壇春秋上戊日舉
祭如制

郡厲壇在州北門外有祭文碑祭期春清明日秋七

東平州志

卷之二

壇壝

十七

日望日十月朔日請城隍主祭牲醴如制

鄉社壇各隨隅社屯所設壇祭期如社稷

鄉厲壇制如鄉社祭期如郡厲

兵防

書云惟事事乃其有備有備無患則兵戎之設以建威銷萌可百年而不用不可一日而不備也况城門之鎖鑰守禦非常南北之要衝京師孔道會通之舟楫糧連

咽喉其克詰戎兵以警戒無虞者固未雨之防萬全之慮也豈曰太平有象武備遂弛乎作兵防志守禦千戶所公署在城州治東南原有千戶十人百戶十人以守禦城池八屯兩廠有京操軍運糧軍守城軍餘屯田軍餘今千百戶俱裁革守禦所仍舊

東平州志

卷之二

兵防

十八

欽設掌印千總一員

管運千總一員

管河千總二員

甲管運糧船隻

在城將官一員馬步兵丁營房在北門以裏管護送銀兩

斬家口將官一員 城堡有營房馬步兵丁

女山鎮將官一員 城堡有營房馬步兵丁

戴家廟將官一員 城堡有營房馬步兵丁三營各

有 地管護送船隻催 糧運

市鎮

周官版圖之獻歲終稽民數焉故視都而知野視野而知國村落之密生齒之繁也百室之盈婦子之寧也則煙火相接雞犬相聞懋遷有無以相通自非仁人在上父母斯民生聚而招來之亦烏覩從之者如歸乎作市鎮志

城市在州門前每日一集明時在州中集有十二處一日一市週而復始未季兵火焚燬城市荒涼今本州出示招集上無官價之名民無行戶之累鄉民俱赴州門前交易因而成市

東平州志

卷之二 市鎮

十九

在鄉集十有五日安山在城西十二里須城在城東二十里大陽在城東北五十里塔井在州東四十里鄆城在州東六十里彭家集在州東南三十里花蘭店在州北二十五里沙河站在州南三十里陽穀店在州西北三十五里壽張集在州西南五十里邱亭集在州東南四十里戴家廟在州西四十里鄆家口在州西南二十五里王忠口在州西南二十里迎鑾堤在州北六十里宋真宗東封改鄆州臨鄆驛爲迎鑾即此

橋井

天根見而成梁鰲皆如虹民無病涉亦王政之一端也至木上有水養而不窮則利民濟物澤被之仁普矣豈必乘輿市惠貽譏君子西江遠汲無救涸鮒也哉作橋井志

橋有十五南永濟橋在南門外一里許汶水所經洪武二十八年老人邢整奏請創造甃石爲之九十有九空萬曆四年知如嵩于橋兩邊增修磚墻加以石檻行人便之日久水衝石空坍塌順治十五年本所人王元臣募化重修日積月累晝夜辛勤歷十年餘橋工始完比舊更加堅固往來稱便上有碑記

東平州志

卷之二

橋井

二十

北陳家橋在城北門外一里許亦汶水所經弘治十二年知州張愷重建規制皆如永濟而石空則殺其六焉歲久橋北衝壞行人不便天啟元年知州王敬增修石橋五座有碑記後水大衝激石空坍塌數處往來阻困康熙五年本所人王元臣修完南橋復修北橋工程浩大晝夜勤勞橋成方半積病身歿州人李錦繡接修增添石空制如南橋生員李名世接脩西橋在城西門外山水衝壞往來阻隔有鐵匠郭起得九鍛鍊所得日積磚石數年獨修石橋一道遇秋水泛漲冬月寒苦不假舟楫人人稱便

通安橋在西橋之西人稱爲八里橋直達安山故曰
通安歲久崩壞郡人楊膏先捐貲修造石空堅固公
私便焉蓆橋在城東五十里大定七年建架沙溝河
舊傳宋真宗東封泰山車駕徑行以蓆鋪藉故取名
焉官橋在蓆橋上流二十里舊傳真宗東封回鑾所
經之處丁家橋在須城集成化年造惠濟橋在花蘭
卞家庄橋在卞家庄鄉民武整重修呂毋橋在州西
南水經注東海呂毋起兵所造梁山北三里有呂毋
宅宅東三里濟水所經也弟橋九五在州城五里外
以板爲之無事則橫接湟岸以通往來有警則撤去

東平州志

卷之二 橋井

二十一

以防外侮南門石橋木橋俱郡人楊膏先楊膏照捐
貲修建

井十觀音井在西門外社稷壇東旛竿廟中在南門外
大街靈泉井在城北三十里靈泉寺四面皆石中有
一井遇旱取水禱雨輒應栲栳井在陽穀栲栳寺水
自井中流出冬夏不竭清涼寺井在州東南十五里
梁村清涼寺殿西楊山井在州東北三十里楊山口
寺興龍井在州東二十五里須城興雲堂東蘆泉井
在州北三十里大雲寺龍泉井在龍泉寺殿前大旱
不竭三官井在蔴山屯三官廟前

寺觀

浮圖入震旦其來遠矣而招提名寺則自摩騰法蘭始也東土傳衣五花相繼盛于梁汰于魏而燈燈續照伽藍之建殆未可屈指數矣雖興廢之不常然名迹之具在稽蘭若而考宮觀神道設教蓋振古如茲也作寺觀志

報恩寺在州治東至正二年建 性覺寺在州治西南至正二年建 龍山寺在州東三十五里至正二十五年建 古臺寺在州東二十五里至正元年建 延慶寺在州東六十里開元十八年建大德九年

東平州志

卷之二 寺觀

二十二

重修 廣惠寺在州東南三十五里延慶二年建 洪福寺在州南三十里中統元年建 清涼寺在州南十里至正元年建 崇靈寺在州東二十五里至元二年建 佛光寺在州西北四十五里元統三年建 圓覺寺在州西北五十里至正二年建 觀音寺在州西四十里至正二年建 栲栳寺在州北三十五里至正元年建 崇報寺在州北四十里政和八年建 月岩寺在州西北三十五里至正元年建 靈泉寺在州北二十五里舊傳唐尉遲敬德建內有泉祈雨有應故名釋迦寺在州東五十里大定二年

建 崇聖寺在州東北二十五里帝堯陵右洪武四
年建 楊山口寺在州北三十里大定二十三年重
修 花園寺在州南三十里至正二年建 興化寺
在州北四十里景定二年建大定年重修 三官寺
在州西南三十里至正二年建 三教寺在州北二
十五里大定三年建至正三年修 土山寺在州西
三十里 清岩寺在州西十五里至正元年建 大
勝寺在州北三里東平王墓北萬壽宮在州治南至
元十一年建 三神堂在靳家口至正四年建 呂
公堂在州南二十里 文昌祠在州治南成化間建

東平州志

卷之二 寺觀

二十三

東嶽廟在東門外至元年建 太白金星廟在州
東四十里大德六年建 廣祐王廟在州東六十里元
真二年建 閔帝廟一在東原驛前有分守道扁垂
旒雅鎮外有數十處鄉城內外各舉香火三官廟一
在大東門外一在城南十五里一在州西十五里正
德七年建郡人趙遠記刻于石今大陽集麻山頭等
處俱有廟真武廟一在鄆城集延祐二年建 一在
安山鎮嘉靖七年建 郡人高凌漠建 一在花蘭
店元時建 東平路總管張博記一在陽谷店嘉靖
間建 郡人鞏思憲記一在戴家廟一州勝槩郡人

宋祖舜建有碑記文在藝文中外有香火數處不能
悉載千佛閣在安山運河岸南今移真武廟後藏經
閣在州治東報恩寺大佛殿後隆慶年建十方院在
州治東順治年知州周三斌陞福寧道建
全真觀在州治南一里元羽士劉志深建 康熙四
年知州范有明捐俸置香火地四頃係額外谷田坐
落商家本觀碑記

火神廟在州治東南隅嘉靖三十七年建郡人李文
芝有碑記載在藝文

陵墓

自古帝王膺圖賢哲輔世莫不澤被神州聲施赤縣所謂可法可傳者非與乃一抔之土已乾而千秋之祀安在雖名垂史冊德並天壤竊懼窆窆莫考或歲久而湮沒也作陵墓志

帝堯陵在州城東北二十里蘆泉山陽明洪武四年遣編脩葛誠脩陵建祠勅有司春秋致祭三歲一遣使登享用太牢凡新天子繼統特勅廷臣銜命祭奠嘉靖二十七年郡守劉元凱重脩並立碑記

冉伯牛墓初在汶上縣西門外感化橋側宋時劉縣

東平州志

卷之二

陵墓

二十五

尹遷於州治西北十五里墓前有廟旁有兩翼室有儀門大門宰牲房致齋所春秋致祭如制外有祭田三十畝元張瀚有記明州守潘洪復鼎新之大學士許彬州守劉元凱俱有碑記

春秋句王墓在州東金螺山下遺跡尚存

秦甘羅墓在州西南三十五里安山上

漢東平思王墓在州東故無塩城東北二里

東平憲王墓在州北崦山凡九塚明東平同知趙文華在碑記畧曰嘉靖中東平劉公爲都御史上言其鄉有漢東平王劉蒼墓在臣州北五里荒翳莫治乞

賜表樹以彰風化未卽賜允庚子冬文華以罪補郡
佐至則竊幸以爲王所在當有廟貌伋奕可瞻望而
求之不得故老爲指崦山下王靈臺者是其墓故址
而金碧蜿蜒浮屠氏之居在焉予始爲掃除佛像正
王之位以完盛典

劉府君墓在城東北堯陵前府君名曜漢光祿勳有
古碑殘折

宋孫宣公墓宋人名奭龍圖閣學十墓在州東十五
里

宋梁父子狀元墓父名灝雍熙四年狀元墓在州北

東平州志

卷之二

陵墓

二十六

二十五里望山之陽子名固太平興國三年狀元葬
於父墓東北

梁莊肅公墓名適灝之子宋宰相謚莊肅葬於灝墓
西北

殿中待御史馬公墓宋人名伸墓在憲王陵北五里
明太僕少卿趙元夫作碑記畧曰宋興養士百餘年
英賢繼作慶曆元祐之盛李唐而後未有也迨羣小
構禍程門諸士散逐四方各獲考終而馬公獨抱忠
飲恨以没死非其罪君子痛之豈天果仇善類與抑
亦宋祚將訖然也嗣後二百餘年公之道德忠義爛

然國史而鄉里莫克祠祀先是兵部侍郎東圃劉公請於朝言宜勅有司建祠爲國盛典戊申冬蜀閬中劉侯來守東平仰公之忠賢風烈迺喟然曰賢如馬公於祭法當祀而鄉無專祠其何以觀善導民是惟守土者之責乃擇北門隙地爲堂及屋若干楹神位龕卓煥然一新前爲坊扁其代若姓于是道路之過其門者莫不瞻望咨嗟咸知忠賢偉人嘗產茲鄉後有聞風而興起者謂非茲祠啓之不可工旣訖予記此以刻諸石並載宋史本傳千碑陰以便觀者云劉侯名元凱字舜登嘉靖辛丑進士

殿中丞孫明復墓先生諱復字明復晉州平陽人少舉進士不第退居泰山之陽著尊王發微魯多學者其尤賢而有道者石介自介而下皆以弟子事之先生年逾四十家貧不聚李丞相迪特以其弟之女妻之孔給事道輔爲人剛直嚴重不妄與人聞先生之風就見之介執杖履侍左右先生坐則立外降拜則扶之其往謝也亦然魯人旣素高此兩人由是始識弟子之禮莫不嗟嘆慶曆二年樞密副使范仲淹資政學士富弼言其道德經術宜在朝廷召拜校書郎國子監直講嘗召見邇英閣說詩將以爲侍講而嫉

之者言其講說多異先儒遂止七年坐累貶監處州商稅翰林學士趙槩等十餘人上言孫某行爲世法經爲人師不宜棄之遠方乃復召爲國子監直講居三歲以嘉祐二年七月二十四日卒于家享年六十有六官至殿中丞其年十月二十七日葬于須城縣盧泉鄉之北扈原

楊榮墓在州東北一里窰灣

元王盤墓在州城東四里李謙作誌石今見存

薛狀元墓在州東二十里

狀元霍希賢墓元仁宗延祐五年狀元及第累官中

東平州志

卷之二 陵墓

二十八

書侍郎墓在州東二十里

東平路總管韓煦墓在州北王陵臺前有至治元年學士李之紹撰神道碑銘

行中書左丞相忙兀臺公光昭墓在州北王陵臺西有至元二十三年碑文刻于石

明少保兵部尚書康毅王公憲墓在城北三十里荆山之陽嘉靖十七年奏勅脩建大學士李時撰神道碑刻于石

贈兵部尚書劉公源清墓在州北七里隆慶初年奏勅脩建郡人趙元夫爲銘有傳

吏餘尚書 介肅公嶽墓公字汝喬別號望湖世家
汶上南旺登嘉靖壬辰進士授戶部主事督上谷餉
積餘羨金千公毫無所取盡命作數於公移管徐州
倉內多隙地舊種麥以供公費而藏其羨公悉出之
以賑無告者尋轉員外郎中守廬州郡南山多異木
徃徃官收貶鬻公曰官物也而可私乎籍以歸公及
遭母喪不能具豐歛輿襯而歸無一厘以居借伯兄
旁舍受弔完葬而已起知保定府最近輦轂貴戚勢
人蜒引窟據其間公執法不能撓府舊有吏班銀歲
千餘官吏乾沒以爲常公恥之以供厨傳費而省故

東平州志

卷之二

陵墓

二十九

所徵于民者寡爲副使兵備岢嵐大建其功按使楚
中察臧吏遣治如律已陞僉都御史巡撫保定等處
先是工部鳩工郡各車百輛戶部督賦郡各三千緡
督府亦徵邊夫郡各八千餘丁檄下境內騷然公上
疏言府庫空虚狀請損戶賦大半詔許之其于工部
止與車十輛督府丁夫終一人不遣部府卒如公議
是時嚴分宜柄國藉地震之災策免大臣以應于是
出閣臣攝吏部司考察列廷臣爲三等上考多寵黨
而公以同年故亦偶在上考公拂然引疾疏歸分宜
敗言官凌儒薦公徵拜副都御史巡撫川貴旋召入

協理院事陞吏部右侍郎復進左奉詔考諸司不職者大臣咸服其平陞南禮尚書未幾改吏部遂請告歸踰二年卒公貌臞神聳刻勵聖學官至八座奉身儉素如儒生晚年蕭然一榻棲心物外然其遇事侃侃雖賁育之勇不能奪也生平寡交游獨與江右踈山吳公滌上栢泉胡公東越介川毛公相厚善四公立朝風節譽望相彷彿海內稱爲四君子雲公卒後撫臣梁公聞於朝賜祭葬謚介肅墓在州北十里御史大夫葛公守禮撰碑記萬曆壬寅州守徐公璘爲之立碑通衢曰清風千古以示來茲云

東平州志

卷之二

陵墓

三十

明撫治鄖陽都御史宋祖舜墓在棘梁山之陽知壽張事陳璜有傳載入藝文

明巡撫天津兵部右侍郎兼都察院右僉都御史前欽賜正一品服特加蟒玉冊封琉球兵科翰林杜三策墓在髓城三旺集北有傳

明山西按察司副使總理紫荊等三關兼保定等處地方兵備前翰林奉勅初任掌湖廣道監察御史二任掌京畿道監察御史三任掌浙江道監察御史李文芝墓在城北七里鋪之東

東平州志卷之二

東平知州陞河間府同知廣寧張承賜重編

東平州同知富平李澤校閱

原任登州府教授單民功纂修

賦役

叙曰國家因地制賦計口授田所以安上而全下也然或時異勢殊有宜于古而不同于今有行于今而不戾于古者大抵斟酌盡善悉照賦役全書法至備也至于奉公愛民神而明之則又在良長吏矣作賦役志

屯社

東平州志

卷之一

賦役

三十一

聖王之治民也因民而已廬井桑麻因乎其地族黨比閭因乎其人肥瘠登耗原民三自然之數因甲乙而鱗次之民乃尚寧幹止乎况有分土無分民勞來安定自有聞風而至者鴻雁于飛集于中澤因民利民則流移盡土著也作屯社志

隅有四曰東南東北西南西北在城四隅

社二十有一曰謝庄在州南三十里白沙在州南二十五里沙義在州南二十五里拆河在州南十里劉庄在州南十二里袁庄在州南十五里栢村在州東南三十五里姬村在州東三十五里梁村在州東南

二十里荆保在州東南二十里流翟在州東十里
呂在州東四十五里大陽在州東北六十里安山在
州西十二里倉丘在州東七十里東登在州東北二
十五里西登在州西五十里北登在州北三十里周
村在州東南三十五里戴村在州東五十里三旺在
州東北六十里

屯有八日官庄在州東十五里南留在州東六十里
荆山在州北二十五里三山在州北四十里龍山在
州東四十里夏雪在州東北六十里魏雪在州北四
十里塔井在州東四十里新增流移社 俱新來開荒

東平州志

卷之二

賦役

三十二

人戶

戶口丁徭

原額不分等則一例人丁肆萬肆千貳百壹拾捌丁
每丁徵銀壹錢貳分其徵銀伍千叁百陸兩壹錢
陸分內除逃亡人丁叁萬貳千伍百貳丁

順治拾貳年至拾陸年新增人丁壹百伍拾叁丁
徵銀拾捌兩叁錢陸分

康熙元年至捌年新增人丁壹千貳百壹拾叁丁
徵銀壹百肆拾伍兩伍錢陸分

現在并新增人丁壹萬壹千柒百壹拾陸丁內除

鄉紳舉貢生員優免本身丁肆百叁拾肆丁該免銀伍拾貳兩捌分又除在于一丁兩賦等事案內奉 文除東平所重丁叁百肆拾柒丁該免銀肆拾壹兩陸錢肆分實在當差人丁壹萬玖百叁拾伍丁共徵銀壹千叁百壹拾貳兩貳錢康熙拾壹年知州張 奉 文編審新增人丁叁百柒拾肆丁俟 部文題定陸續起科實該逃亡人丁叁萬貳千壹百貳捌丁

原額四等徵銀地壹萬叁千肆百肆拾玖頃玖拾畝

東平州志

卷之二

賦役

三十三

貳分柒毫內

原額上地貳千伍百柒拾叁頃伍拾玖畝柒分肆毫每畝徵銀叁分捌毫捌絲貳忽伍微陸纖肆沙陸塵玖渺伍末柒埃

每畝徵米陸合叁勺壹抄伍撮柒圭捌粟內

成熟并順治拾叁年至康熙玖年陸續墾過地捌百玖拾貳頃貳拾伍畝柒分玖釐壹毫

康熙拾壹年至拾貳年春夏二季止勸墾上地叁百柒拾叁頃肆拾陸畝捌分俟 部文題定照數

陸續起科

原額中地柒千伍百叁拾捌頃陸畝貳分貳厘玖毫
每畝徵銀貳分肆厘柒毫陸忽伍纖壹沙柒塵伍
渺陸漠陸埃

每畝徵米伍合伍抄貳撮陸圭貳粟內

成熟并順治拾叁年至康熙玖年陸續開墾地貳
千伍百陸拾陸頃壹拾玖畝貳厘捌毫

康熙拾年至拾貳年春夏二季止勸墾地捌百捌
頃捌畝壹分俟 部文題定陸續照數起科

原額下地叁千貳百捌拾柒頃玖畝玖分壹厘每畝

東平州志

卷之一 賦役

三十四

徵銀壹分玖厘柒毫陸絲肆忽捌微肆纖壹沙肆
塵伍漠叁埃

每畝徵米肆合肆抄貳撮柒粟內

成熟并順治拾叁年至康熙玖年開墾地貳千肆
百伍拾貳頃壹拾壹畝肆分柒厘壹毫

康熙拾年至拾貳年春夏二季止勸墾地叁百玖
拾貳頃捌拾壹畝壹分陸厘俟 部文題定起科

原額下地伍拾壹頃壹拾肆畝肆分叁厘肆毫全
荒每畝徵銀壹分叁厘捌毫叁絲伍忽叁微捌纖
捌沙玖塵捌渺肆漠玖埃照舊例下地畝免派

米石

原額四等徵糧地共徵銀叁萬叁千壹百叁拾玖兩
壹錢陸分貳厘捌毫肆絲貳微柒纖柒沙捌塵共
徵米陸千柒百陸拾貳石柒斗玖升貳合壹勺內
寄庄地壹百壹拾伍頃除正項在于原額成熟地
畝派徵外每畝加徵銀貳分共徵銀貳百叁拾兩
三項上中下實在成熟地共徵銀壹萬肆千壹百
柒拾貳兩壹錢壹分叁毫貳絲柒微捌纖
共徵米貳千捌百伍拾壹石叁斗柒勺玖抄伍撮
壹圭壹粟伍顆

東平州志

卷之二

賦役

三十五

安山原額三等湖租地肆百肆拾玖頃貳拾壹畝內
原額上地壹百玖拾柒頃叁拾貳畝叁分捌厘每
畝徵銀肆分內
成熟并新墾徵糧地壹百伍頃玖拾肆畝貳分伍
厘共徵銀肆百貳拾叁兩柒錢柒分
康熙拾年至拾貳年春夏二季止勸墾過地叁拾
頃伍拾伍畝柒分柒厘伍毫俟 部文題定照數
陸續起科
原額中地壹百捌拾陸頃捌拾捌畝叁分陸厘每畝

徵銀分

成熟並開墾征糧地壹百伍拾玖頃肆拾玖畝玖分柒厘伍毫共征銀肆百柒拾捌兩肆錢玖分玖厘貳毫伍絲

康熙十年至十二年春夏二季勸墾過地貳拾柒頃叁拾捌畝叁分捌厘伍毫俟 部文題定照數陸續起科

原額下地陸拾伍頃貳分陸厘每畝征銀貳分內成熟並開墾征糧地貳拾玖頃貳拾畝共征銀伍拾捌兩肆錢

康熙十年至十二年春夏二季止勸墾過地叁拾伍

東平州志

卷之二

賦役

三十六

頃捌拾畝貳分陸厘俟 部文題定照數陸續起科

原額額外荒田壹百叁頃陸畝柒分每畝征銀叁分內

成熟地伍拾叁頃陸拾貳畝伍分共征銀壹百陸拾兩捌錢柒分伍厘

康熙十年至十二年春夏二季止共墾過地肆拾玖頃肆拾肆畝貳分俟 部文題定陸續照數起

更名庄田原額地叁百玖拾肆頃壹拾捌畝 順治

十年內遵奉 部文撥給 聖府屯貳拾貳頃玖
拾貳畝陸分伍厘肆毫外額地叁百柒拾壹頃貳
拾伍畝叁分肆厘陸毫每畝徵租銀壹分叁厘壹
毫柒絲肆忽每畝徵緡紅公費壹厘肆毫玖絲柒
忽陸微貳纖玖沙壹塵叁渺玖漠共徵銀伍百肆
拾肆兩陸錢捌分玖厘叁毫捌忽貳微肆沙
更名原額蘆泉稻營屯大畝地肆拾陸頃陸拾柒畝
每畝徵銀伍分伍厘內

成熟地叁拾伍頃貳拾伍畝貳分玖厘貳毫壹絲共
徵銀壹百玖拾叁兩捌錢玖分壹厘陸絲伍忽伍

東平州志

卷之二 戶口

三十七

微

康熙十年至十一年勸墾過壹頃壹拾叁畝捌分俟
部文題定陸續照數起科

原額額外馬場叁等地肆頃貳拾壹畝叁分壹厘壹
毫內

上地壹頃貳拾畝壹分每畝徵銀叁分壹厘壹毫貳
絲玖忽陸微貳纖伍沙貳塵貳渺捌漠玖埃

中地壹頃肆拾陸畝每畝徵銀貳分肆厘玖毫叁忽
柒微貳塵伍漠肆埃

下地壹頃伍拾伍畝貳分壹厘壹毫每畝徵銀壹分

玖厘玖毫貳絲貳忽玖微陸纖壹塵肆漠陸

成熟上地貳拾肆畝

成熟中地貳拾玖畝貳分壹毫

成熟下地叁拾柒畝叁分柒厘貳毫

三項共征銀貳兩貳錢壹分捌厘捌毫捌絲肆忽捌微貳纖

康熙十貳年分以上地丁共實征銀壹萬柒千叁百肆拾陸兩陸錢伍分叁厘捌毫貳絲玖忽叁微肆沙又本折藥材于

康熙八年奉 文照依 題定時價增添銀柒分伍

東平州志

卷之二 賦役

三十八

厘又爲請議歸併漕截銀兩等事案內奉 文將隨漕截費銀米于

康熙拾壹年始刊刻易知由單內漕糧項下征給今查漕糧項下奉 文每正米百石加潤耗銀伍兩米五石共該潤耗銀玖拾陸兩玖錢柒分壹厘陸毫柒絲陸忽潤耗米玖拾陸石玖斗柒升壹合陸勺柒抄陸撮

合前共通實征銀壹萬柒千肆百肆拾叁兩柒錢伍毫伍忽叁微肆沙

征實米貳千玖百肆拾捌石貳斗柒升貳合 勺

柴杪壹

圭壹

一解起運

戶部丁地折色銀壹千柒百叁拾柒兩陸錢伍分貳

厘貳毫玖絲伍忽壹微肆纖

一解本色芝蔴黃蠟花絨藥材牛角正費銀壹拾伍

兩叁錢伍分肆厘壹毫肆絲捌忽玖纖

一解腳價銀拾伍兩捌錢叁分壹厘柒毫玖絲貳忽

貳微叁纖

一解支漕臨貳倉輕賚蓆草腳價盤費潤耗銀肆百

肆拾兩壹錢伍分貳厘肆毫捌絲伍忽肆微陸纖

東平州志

卷之二

賦役

三十九

一解漕糧正耗並潤耗本色米貳千伍百貳拾石貳

陸升叁合貳勺陸抄貳撮

解臨清倉本色正耗米肆百貳拾柒石玖合貳勺

九撮壹圭壹粟伍顆

一解支河道夫食銀貳千肆百柒兩貳錢伍分叁厘

柒毫壹絲伍忽捌微伍纖

一支官俸役食銀貳千柒拾捌兩叁錢玖分貳厘柒

毫肆絲玖忽叁微柒纖玖沙

一支甲里夫馬銀壹萬陸百柒拾貳兩捌錢肆分玖

肆毫叁絲陸微肆纖貳沙伍塵

一解支 支銀柒拾陸兩貳錢壹分叁厘捌毫捌絲
捌忽任微壹纖貳沙伍塵

襍課

一解課程銀肆拾貳兩貳錢貳分

一解班匠銀叁拾叁兩叁錢

襍稅銀

牛驢抽稅

房地稅契銀

東平州志

卷之二

賦役

四十

驛遞

原驛走遞馬六十匹明有東原驛喂養走遞今裁
革歸併本州

額設馬夫三十名 撥馬牌子五名 遞公文二名
里甲馬三十匹 額設馬夫二十三名

日夫一百六十名

安山驛水夫三百三十七名半

舖舍

走遞舖司兵四十九名在城總舖舊在州治前城南

高庄十里沙河站二十里周村三十里城北春熙十里中和十二里

東平州志

卷之二 驛遞

四十一

新店二十里

以上各役工食銀兩俱載在賦役全書

物產

宋郡守劉敞云東平有泰山之竹汶水之篠嶧陽之桐蒲園之檟花木水鮮可玩者甚衆然而時移物變多非其舊矣獨山林之饒生物之殖凡益于人生日用者則古今不相遠也作物產志

穀之屬

黍黑二種 蕎麥白二種 秫紅白二種 稻 穀黃白黍小麥

穆黑白二種 芝麻黑白紅黃四種 可作香油

豆黃黑青茶各大小種 菘豆紅黃四種 莢豆

菜子俱可作油但蚕豆不香 蘇子 檉 紅黑二種

木之屬

槐桑 黃青柘二種 栢 椿松 香臭二種 榆 楮 柳 棠 練

楊楸青白棘二種 檀 荆

東平州志

卷之二 物產

草之屬

葦 蘆 蔞 藍 大 小 槐 藍

花之屬

山葵 丹 菊 石 萱 荷 薔 薇 冠 木 槿 玉 簪 茶 藤 鳳 仙

金木香 芍藥 合牡丹 滴 滴 金 雀 珍珠 金盞

果之屬

梨 棗 沙 爽 李 杏 蓮 梅 柿 核 棗 蘋 染

豆 山藥 白果 棗 木 瓜 西 瓜 甜 瓜 雞

蔬之屬

薑 芥 菲 菁 白 菜 芹 芫 荽 茱 葫 瓠

蚕豆 蒲筍 波菜 菁 白 菜 芹 芫 荽 茱 葫 瓠

白蘿蔔 馬齒 瓜 冬 瓜 豆 角 黃 瓜 菜

羽之屬

燕 雉 鴉 鳩 鵲 鴿 烏 鴉 鸚 鵡 鷓 鴒 鴈

鷓鴣 黃雀 黃鸝 天鵝 鸚鵡 鸚鵡 烏鴉 鷓鴣 鴈

